

四庫全書

集部

欽定四庫全書

集部

灌園集

目錄  
卷一

詳校官庶吉士

臣

陳若霖

侍讀臣孫球覆勘

滕錄監生

臣

任溥

滕錄監生

臣

黃鐘

欽定四庫全書

集部三

提要

灌園集二十卷

別集類二 宋

臣等謹案灌園集二十卷宋呂南公撰南公字次儒南城人宋史文苑傳稱其於書無所不讀於文不肯綴緝陳言熙寧中士方推崇

馬融王肅許慎之業

熙寧中科舉所用乃王安石三經新義及字

說非馬融王肅許慎之學此語殊為乖妄宋史荒陋此亦一端謹附糾其謬

剽掠

臨摹南公度不能逐時好一試禮闈不偶退  
築室灌園不復以進取為意元祐初立十科  
薦士中書舍人曾肇上疏薦其不事俗學安  
貧守道堪充師表廷議欲授以官未及而卒  
陳振孫書錄解題稱南公欲修三國志名其  
齋曰袞斧將成而南公卒書亦不傳惟其子  
郁編次遺文為三十卷然刊板久佚流傳遂  
絕僅存抄本呂次儒集一卷惟錄麻姑山詩

二十四首福山詩一首及錢鄧州不燒紙蠶  
頌義鷹志龍母墓三篇蓋後人從宋文鑑及  
麻姑山志抄撮而成十不存一今據永樂大  
典所載裒輯薈萃篇帙尚夥謹依類排次釐  
為二十卷雖不必盡符原數視世所傳本則  
賅備多矣南公與汪秘校論文書自言於列  
莊六經百家十八代史因文見道沈酣而演  
繹之私心自許謂文學之事雖使聖人復生

不得廢吾所是惟當勒成一家俟之百世又  
曰堯舜以來楊馬以前與夫韓柳之作此某  
所謂文者若乃塲屋詭偽刼剽穿鑿猥冗之  
文則某之所耻者必若黃河泰山峻厚高簡  
渾灝奔注與天地齊同而日月不能老之者  
此某之所以究心今讀其集雖所言不無過  
夸然其覃精殫思以力追秦漢要亦毅然不  
惑於俗學者也乾隆四十六年九月恭校上

總纂官

臣紀昀

臣陸錫熊

臣孫士毅

校官

總校官

臣陸

費

墀





灌園集原序

劉夢得嘗稱瀟湘間無土山無濁水民乘是氣往往清  
慧而文吾鄉麻源地氣殊異江山炳靈視瀟湘間為不  
足道近時人物磊落相望其位于朝光顯者固多而隱  
於韋布卓立傑出如灌園先生者世未必知之曾子固  
獨愛重其文謂麻姑秀氣世不乏人豈虛言哉先生幼  
而警敏力學不倦於書無所不讀發為文章雄深浩渺  
自成一家羞同舉子輩綴緝陳言氣象萎萎迎合有司

之好熙寧初嘗預薦試春闈不利退而築室灌園不復  
以進取為意益務著書講道發揮聖賢妙旨且借史筆  
褒善貶惡垂世立訓遂以袞斧名所居齋先生所養如  
此視一第得失奚足為輕重耶元祐中在朝諸公交口  
稱薦欲命以官而先生不幸蚤世咸用盡傷余先君昔  
與之遊備知其賢每嘆南城豪傑之士如李泰伯王補  
之及先生其才皆有大過人者而所享皆不永泰伯補  
之雖得卑位則旋而死先生且未及仕造物者何奪之

速殆難以理推蓋命也夫先生姓呂氏諱南公字次儒  
其子郁亦有學問能世其家收拾先生遺稿編成三十  
卷紹興壬戌余領漕江右巡行到鄉郁携以見訪且屬  
為序欲傳不朽因循久未暇作後二年移憲浙部不遠  
千里以書來請益堅義不得辭於是乎書南豐符行中  
序



欽定四庫全書

灌園集目錄

卷一

五言古詩

卷二

五言古詩

卷三

五言古詩

卷四

七言古詩

五言律詩

卷五

七言律詩

卷六

七言律詩

五言絕句

七言絕句

詩餘

卷七

議

論

序

卷八

序

卷九

記

卷十

書

卷十一

書

卷十二

書



卷十三

書

卷十四

書

卷十五

書

啟

卷十六

傳

頌

贊

銘

卷十七

雜著

卷十八

雜著

卷十九

墓表

墓誌

墓誌銘

卷二十

墓誌銘

祭文



欽定四庫全書

灌園集卷一

宋 呂南公 撰

五言古詩

題仁樂亭

真山蓄幽奇，偽山逞瑰怪。  
峰巒紛變現，座席疑廣大。  
未穿披雲履，對此亦清快。

虎泉

昔聞孤女子，遇虎斯泉側。  
高僧為追訶，弭耳不敢食。  
歲

月幾何時稱談如宿夕故知事可傳豈限涔泓窄

虛假行

虛假復虛假名陶不知瓦養子役于人不如生犬馬公  
私嚴忌諱勢利關取捨奉生既疎違喪死更苟且置麻  
不敢服桐竹何由把未得久哀呼方當勤唯喏百年聞  
罔極一瞬經廬下豈不近冠裳驅牽到乖寡沾沾荷鋤  
子言動只山野終制負凶緣興辭淚如瀉諸儒論鄙俗  
不若都人雅請問兩間民誰為稱情者

遊子篇

遊子朱門兒行樂畏不足遐方寒苦士自贊乞隨逐朝  
馳錦韉末夕譙鳳屏曲雄豪棄殘賸聲色化耳目來時  
布素衣羞耻見羅穀幾許膏粱味嗜好諱水菽勞勞車  
馬塵冉冉歲月速家書懶拆封舊業廢編牘間嘗夢故  
國驚覺如被辱安知愜快餘窮愁入皮肉趨承偶踰節  
况味稍蹉跎長年倚恩輝積漸致輕瀆因逢故人語始  
歎誤程躅都城名利場豈不多所欲從前入關客無慮

共貧毒商鄺聚珍貲科舉仰廩祿神乎奪我魄而獨迷  
所屬何人不謀身計慮自不淑寄聲風塵子哀恨吾已  
酷當知帝里游有禍亦有福

莓莓原上田

莓莓原上田春至早已種塢塢樊間圃蔬好亦培塿農  
家樂地利倚此擬微俸依隨節序停領畧兒孫衆徒耕  
有謹語各息無愁夢冷看里諸生焦心望鄉貢

和道先從義同過張掾梅花下飲二首



山人如寒松無可媚  
鸞蝶諒非清峻契誰肯畧顧接春  
城偶來至豪士懶舉睫幽幽法曹廳  
一往乃敢輒主人雖壯齒酷愛文字  
業相看論古書術不計勇怯陳家俊  
公子德義敦慶葉聞我適過從逢衣  
遽披攝老成北扉掾喜客若渙獵  
招呼倒清樽促迫信重疊梅花香樹  
下共醉死牛脇勿憂侵暮冷坐我有  
氍毹飛飛落梅英繞座不待折煌煌  
畫蠟燭未夜已戒設徵詩為罰令獻  
白作飲節譚高衡或爭笑猛倒還絕  
李侯解縣印心注象

魏闕座中惜分袂  
勸酒更酷烈  
春先顯父筭冬外  
丑吉  
鼈肴佳俎未竟  
酒美壺頻竭  
更籌屢聞轉  
歸乘不許謁  
誰能避醕酖  
但恨落角月

渠中水

咨爾渠中水源流  
本何許  
特無停瀆分得此  
奔逝苦過  
村穢濯漑合澗  
渾沙土還當歸海  
日亦助雲濤巨

野翠堂

重城似郊坰  
接眼盡蒼翠  
無復見枯疎  
共疑春每至  
丘

樊豈少此野叟不自貴

鴉聲

鴉聲譟人凶聽者知慘然忠言論禍福受之如不聞禽  
口不可緘人言因義發畏禽而忽人使我心如割

小蟲

大蟪身尺餘輝彩盈首尾小蟲未知名長不過半指相  
遭籬畔草錯愕雜憂喜孤征有令凶忿鬪莫我止交攻  
久騰突反覆召傾毀蟪跳欲忘生蟲怒乃抵死奔衝徹

心腹刼捷沸唇背方磨雨痕沙又墮足跡水肥無敏才  
智短有毒牙齒吾豪且深侵彼困漫決起壯軀俄奄奄  
恨血稍泚泚蟲休遂馳歸少頃復臨飢安詳銜蟪鼻拖  
擦繞籬趾却納幽穴中其將食之矣人間有勝負不在  
校形體樓閣雖雄王命盡傳介子新家巨無霸一戰亦  
為鬼苟惟性資悍端可制魁偉君看小蟲威何獨畏封  
豕

有蟲

堂陰闕曲沼其浸可濫觴有蟲宅其間游息能自將名  
號亂龜鼈形軀亞蜣螂何知一生微頗以氣調張秋風  
七八月泓浸稍減常低回尚飄然未若謀穴藏十月水  
泉竭泥沙暴枯霜迷迷舊坻堦影迹類已藏延綿盈晨  
多天雨斷霈霧皆言此蟲絕軀殼應碎殭咨嗟亦含氣  
所託異慨慷邇來節令改泰卦直春陽甘霖一夕飛濯  
注成濺汪凌晨沼面漲蟲輩早奮揚上下逞風操同形  
喜相望如知出處時故以偏仄忘余嘗舍其側終始得

膽相因思物理深未易草草量江海非不大其魚每屠  
傷此沼固褊淺其蟲乃靈長浮生短與修有命不可襄  
運數苟未盡憂悲豈其戕安危與時俱窮達須預防所  
以真至人如往皆暇遑

勝因院

莊嚴起何代幽佚惟天與有衆倚耕桑無人歎寒暑嵐  
氛蠹金碧谷響酬鐘鼓白晝方丈西猶眠聽經虎

招豫亭飲

愛酒不日醉多為病相妨飢虛或傷脾飲過亦腐腸略  
困尚舉白既頽方卧牀沈迷劇淹旬得疾豈可攘嘔泄  
憎膳食乖慵豈冠裳愁醒甫旦朝衰奈還慨慷已復念  
傾倒咨呼問瓶甌妻兒惡吾貧誠我以死亡載讀伯倫  
傳懦衷更强梁與其憂百年孰若天醉鄉家釀苦屢竭  
市沽乏錢囊進歌五柳陶聊美天祿揚幸近豫亭叟其  
人固同方有田百頃肥秣秣歲益倉憐我數寂寞招邀  
共深觴醒往酩酊歸不悟日月長有或致醕酢有蔬糲

矜張叟來坐酣酣肯問味惡良我蹇嗜墳史叟豪樂笙  
簧相殊不相關對酌即兩忘如此粗適矣誰猶辨低昂  
寧須賣菜傭豈俟白面郎今日又得酒忍為獨沽嘗泔  
魚取芳鮮煮狗到爛香及我未病困斟斟足相當亟來  
勿踟躕午影上北廊

濟道過飲偶成長句

酤酒樵吏杓買魚市兒籃雖非爛腸宴亦知足一酣冬  
景忽忽卓午晴雲喪墨墨室廬絕絲竹文字入笑談以此



稱出俗相看庶無慙解衫掛前楹豈問布與藍追講石  
陂會秋霜正黃柑傳翁最後至嘯詠能交參題詩廡東  
閣醉卧堂西庵論子赴官職可余老耕蠶俱為樂榆枋  
非微谿壑貪摻袂歌慷慨睽離各情含寄書建水涯年  
歷滿四三不慮復見日乃于郡樓南子為赤髯叟我有  
學語男問訊養生具僅能無一簪固知寒儒分未易過  
石甌棄置且勿道行觴趣空壘將來難預期既往已備  
諳聊盡酹酌興安能每憂悵

疇昔

疇昔林野居布絮不粗完及為羈旅人被服乃綺紈何以出勝處為君究其端離蘇不馥郁傳自故老言魯邦無君子子賤豈所倫東方足文史得飽在長安蘇秦主父偃亦各有後歎況乎今異古而本無一屢自非稍激昂何以脫饑寒辭鄉挈囊書豈敢言王官苟免溝壑禍微生已成全文章蓋有力溫燠此其源遂離廝養科首尾只十年篋衣亦何者聊足覆衰殘有破得紉補有新

得縫刈因嗟為短詩所以記初難

粟熟二首

昨者小麥熟野人稍相寬新粟今又黃喜聞不青乾補助復幾許久饑情所難譬如轍間魚勺水亦暫安澤國農事苦無功及丘樊方與三日晴湖岸車已喧所以終歲勤不能離薄田里豪多曠土徒用養茅管雖有願耕手賦收重夷蠻抵今二種利稀若管中斑偶穢可勸後必荒誰繼前幸哉雨露仁副此倚望歡

種田亦耕山投隙若避毆辛勤望成熟得慰飢歎口彼  
豪豈知苦踞坐科束數慙刻以誅收奇贏復何有尚喜  
不荒空呼鄰買盃酒

宿凌雲山中留寄元禮

凌雲山下村逆旅路旁宅南征為吾歸寄卧偶一夕無  
人伴幽語孤詠到平昔瞻懷此山人曾是同硯席蕭蕭  
古破屋文字堆四壁青燈照題評皎月論肝膈為詩有  
盈卷飲酒無賸滴携筇繞平坡班草尚遙碧栽松此山

上共看偏岡脊要約過人長俱來蔭芳色羈蹤忽分袂  
不啻十載隔世故日紛紜舊游空想憶今來此山下松  
老似百尺欲訪松主人其車已他適徘徊重咨歎輾轉  
對窻隙晨雞一何慵傾聽久不得春風吹殘月半夜屋  
角白難眠却求衣起望河漢仄寄聲巖扃去華髮勿強  
摘善醉真良圖高談盡癡策雲泉與朝市處處堪偃息  
桑榆景可量名利不足識無因接清話趁曉拊征軛已  
度滕家橋回頭更悽惻

哭劉郎中

谷風拂層冰萬凍倏忽流陽暉照積雪寸片不得留郎  
中冰雪人清潔映此州誰令司命家速以風日收得非  
峻節士地下亦急求哀哉吳隱之已矣公儀休衆皆殖  
貨利我獨嫉貪牟衆皆似芳春我獨如霜秋多藏豈不  
裕害義固所羞謀身豈不急有命其何憂辛勤洛宋倅  
明白盱郡侯未知居此官數有斯人不孤耿一德性紛  
綸萬擲掄嗚呼五十年平步落九幽象闕方肅肅銘旌

遽悠悠吁嗟高論儒何以示素修

仕則慕貴顯貧仍憂子孫陽窮詐恬淡此道久滿門嗟  
乎郎中心違衆輒十分登科未弱冠白首兩朱轡笑談  
傾一坐絕口勢利言遙聞朱頓流索水洗耳根服不至  
布絮食不辭羔豚自然清白行皎皎不可昏杳杳浚郊  
縣蕭蕭栢林原節士今已矣誰表三尺墳

初釀

歲稔穀價卑家家有新釀諸鄰皆屢醉吾舍只空甕封

書已餘米故舊不我相淹旬乃分酬如憊始賜杖搔然  
且湛熾督迫薪火旺衰遲念盃觴伺立久骭髀夜聞甯  
沸韻側枕屢欣暢朝來見浮蛆喜氣愈豪壯槽端乍流  
瀝指面已滛漾肴蔬故稀荒被服稍質當無賓與醕酢  
引滿自東向須臾就醺酣豈藉紅粉唱人生但能醉此  
外何足望憂勤欲奚為一譽抵千謗瓶罌幸未竭吾盞  
且頻康迴思冷醒時愁寂可懲創隔牆聞戢氣涎活復  
嗟悵非無畢公心堅壁詎窺傍如今粗沾給後得戒初



喪太息富貴間平生易遺忘

雜興

時情豈不脆轉若輪行車昨日僕役兒今朝賓友徒問  
之何因爾勢利已相如福祿固足駭流品胡能拘淺草  
有辱兔汙淵無瘦魚宜矣潔介士望望成遠疎

題迎賓亭

僧閒有餘日憐客尋幽隈開亭翠岡腹延竚心徘徊年  
年車馬多誰是思山來

綠淨橋

涵虛正深明扶檻跨空闊共喜雲退避更憎魚撥刺相  
從有文酒謹快到夜月

為子舉杯酒

為子舉杯酒軒然放吟聲豈無哀噫調不盡幽鬱情念  
此高簡器早為貧緒縈迷陽乞衣食拍拍歲月更人生  
負意氣曷不懷光晶譬言如堅貞松豈為霜霰生永慚苟  
活迹胸府針芒并

獨夜

悠悠此世路窘窘諸生業究竟非所宜俱為謬參涉三  
年就羈旅萬事轉拘却故山歸無月獨夜夢黃葉

塵埃

塵埃倚風日放蕩乘空飛既眯馳者目亦緇游子衣雨  
汗忽散漫低徊化汙泥憧憧要歧路致困在輪蹄六合  
局萬有成存各從宜升沉俱害物咄此其天姿

鄧夫子

吾交鄧夫子富有兒俗氣包含吉人道混協時輩事讀書三十年恬寞無所嗜物古少明眼聲希難側耳自同崑岡石堅厚保英粹不畏埃壘染非求霖露清幽姿審如此鑄錯安得致余生尠諧合幸此蒙羈廁上獄眺高遠趨濤玩滂淠由來魏王瓠不在惠施棄

戲作數目詩

一廛徒自受想象聖人吐二耜慚沮溺疲羸不善耕三時徒飽食何力助戎兵四部雖該涉心非太學生五噫

聊慷慨那復慕光榮六逸如堪繼相邀且倒傾七弦休  
撫弄里耳悅鏗轟八殺賓宜懼過門豈敢迎九年儲莫  
望吟醉但忘情十室論忠信吾窮或有名

南干水

清泚南干水北至白石角中間所經過左右恣衝搏來  
當高岸破去復新田作洲磧幾淵潭灣渦或垠塢余思  
二十載更易見已數唯此磐陀磯愈漱愈堅確不然磯  
陰地何足化溪壑固知制變材可健不可弱

上山

行臨鳥逕前下馬理屐齒林風清不徹石路晴如洗何處是招提東峯薄雲起

夜聽車舍哀歌有感而作

晝歌蟬焦焦夜歌蚊灑灑隨牛繞輪轉濁汙常滿把雖歌未嘗樂至苦不敢捨豈知清涼屋中有悲酸者

甘雨不肯降吾車幾時休溫風忽噴然調苦聲更愁仰視河漢轉天星愈繁稠寄言擊壤人與爾非同流

蠅驥

超超飛驥尾獵獵蒼蠅翼託止如雅素主之無避色相  
從輒騰蹋穩望千里益朝芻鴈田粟夕飲龍淵液天山  
峻杳繚過若影撩隙神官下旁闔展折形歎惜為言墮  
螭類命自臭穢得胡然謬携載浼爾雲天豁是時決驟  
次何莫懷辟易駸駸驂騑前擬越窮髮北仙風響琳琅  
忽遇九方伯殷勤致羈絆審按題肉力咨嗟絕塵足恨  
乏軼羣德悲此中道驥憤死秀岡側蒼蠅試回首海霧

光圉圉進途當此窮退路安可識寄聲人間世遠致毋  
近測棲翔度材分勿妄希彩色永鑒蠅驥窮無妨每相  
擇

魚蝦

神龍在重淵羣魚喜回環自矜龍族類安佚無後艱曉  
戲腥浪餘暮游浮沫間輕則遠拂渚深之下窮灣或掉  
其尾萃或昂其首頌或揚鬣鋒銳或耀鱗文斑衆蝦亦  
恣睢不慮器質孱跳骹弄牙鬚翕習事狼頑漁師畏龍



威不敢數往還操舟變色過戰汗常盈顏雖有網與矢  
豈容垂且彎魚蝦尚忿愠出沒如嫉姦一朝風雷動波  
蕩若銀山神龍捨淵去恍惚達九關魚蝦不自喻固欲  
嚴追攀奔衝競上擊細大不肯間須臾雲霧息墮落如  
見刪或委頓砂礫或摧傷草管里兒爭擇拾窮血彌望  
殷漁師嘯其徒氣貌持愉憫漉淵盡取之不復計錡鏹  
魚蝦雖有悔已死誰悲潛

憶亨甫

詩老海上去三年斷音塵初非乘桴行正以廩食勤夢  
想不悟遠聲容貌難親忍無一紙書不寄故國人昨日  
見其子來歸自東濱能言別後意憔悴不可聞一被吏  
責繞心腸載愁輪忘飧躡偷黨閱月馳空村勞事欲歌  
詠匆匆未成文遂於筆硯間章句絕所陳亦復病肺渴  
尋常廢清樽唯餘滿頷鬚增進玉雪痕伊昔坐學舍蕭  
條恨長貧題詩日數首大醉必繼句仰望官祿戶謂如  
隔天雲豈思曳尾龜勝却居檻猿不肯空谷卧願為監

綬奔毫釐一失差千里豈得論嗟我實蹇拙平生畏侯  
門乃無詩老愁何耻烏獸羣

寄朱九

北風吹寒聲切烈催歲暮中歲楚人怨愁絕不忍賦念  
子太學居辛勤即誰愬陰爐擁文火敗襖感陳絮無錢  
買酒醪醒坐若酣醺三年詁訓藝一月江淮路歸夢識  
親庭都城非此屹干時無好命費力效章句堆箱纂織  
辭何以質泉布男兒營養意汲汲水東注三釜若後時

萬鍾猶不顧，勉思豹變義。勿守株下兔。

道傍見乞士捕蝨

夕陽拂西岡，黃淡映古道。晚風吹高林，病葉落如掃。飢人瘦於繖，俛默坐沙草。扶危猶強興，力憊輒反倒。還持藍縷縫，委曲捕蝨蚤。視荒數拈空，殺緩或失腦。悠然不能罷，似欲銳鈎考。寧思百骸間，羣蟻即入保。傍行笑相顧，慧悟信難早。疇傷乃知嫌，餒死豈謂好。方為大銷滅，而畏小苦惱。何有就薪蒸，先愁稍枯槁。衣青嗔罵賤，髮

白諱呼老與爾不同年誰能共懷抱



欽定四庫全書

灌園集卷二

宋 呂南公 撰

五言古詩

麻姑山詩

并引

余年二十二初至麻姑山而未能題詩非不能也以為不及古人則不如無作之愈也後三年從友人括蒼鮑強久道往來山間蓋三歲中三至焉久道時時以題見屬或作或已

此其別也所就纔二十餘篇於是賦之為二

十四

初入東麓嶺路

調笑背南關虛徐夢榛梗稍窮田上路一鶩雲間嶺身  
高氣漸逸步疾神方騁傾蓋歎紅塵滿身松檜影

息羽駕亭下

仙官不日見羽駕今誰識漫向嶺松陰掀掀對名額蓬  
萊旌節到夜半麟羞擗蕭韻沸寒空山人初鼾息



至瀑布崖前

忽過亂峯曲，隔林聞水聲。  
止車問樵夫，知是飛瀑鳴。  
下步入幽徑，蕭然覩澎湃。  
洵仰看百尺崖，倒瀉霜雪明。  
乍近骨，目健久留毛髮驚。  
疑身是雷仙，滿耳鼓不停。  
六月地赤渴，平川露乾汀。  
此源一何長，奔注常淫淫。  
利澤固不淺，邦人昧嗟矜。  
徒聞晏豫時，相與憐淒清。

至憩車亭

東岡十里險，游客未嘗畏。  
競愛仙都名，豈知林下意。  
道

人亦良苦冠簡日延遲漸近金龍潭軒車且停憩

觀金龍潭

鳴泉漱石出湍壓東崖落嶮石困衝撞穿中若深鑊轟  
如怒雷鬬清響振林薄行人每驚窺心骨共矍索傳言  
天寶帝龍以黃金作并投白玉簡敕使臨淵壑應雲啟  
靈祉可不憂旱虐豈思塞我間雨霧長所託寧須藏象  
物乃以致滂博茫茫八紘內至理叅冥漠祈禳有舊文  
千載引穿鑿揚雄去不返董相誣難削勿怪洞中雲陰

森護纖雙

過忘歸橋

朱欄跨畧徧孤絕東山口不見客忘歸華標字如斗軒  
軒六龍轡不醉雲間酒何以贈遊人松聲雜鳴溜

至碧蓮池

青紅變芙蓉各是天然色時情苦賤眼每歎今非昔人  
心與物態自古有更易只使碧蓮開游人果何得

上葛仙壇

南峯枕崇坂逕路荆榛稠遺壇在其巔名為仙翁留石  
角已剝泐林芳自春秋誰無骨中塵來繼冲霄遊

尋鍊丹井

何年鍊金丹舊井穴田腹飛昇誰羽翼盡貪人肉幽  
草蘩寒泉田禽時下浴

遊流杯池

靈仙心無累會合祇偶然當時玉酒杯放曠隨清漣不  
知枯池上遂有無窮傳

宿仙都觀

仙山古秀拔百里見遭匝樓殿出其中鼓鐘日鏜鞳  
喑雲間鶴下取芝菌嗜道人鋤藥歸月色滿畚鍤夜眠  
依松檻清思逼睡榻起詠步虛聲傾觴者蔬甲事有屬  
外念寄之以評商何由使我心浩浩上羲皇

讀李邕天師碣文

騰騰六尺碣標置羽客墳龜螭尚堅完字畫稍破分道  
士惜故物編扶使長存前已三百年後當幾何春昔誦

八哀詠頗推李邕文披襟喜此逢再讀目愈昏道固難  
洞達辭猶不雄渾豈殊沸鳴蛙見謂鼓吹繁惜哉開元  
盛乃乏史筆人復疑少陵翁賞識或失真凡例竟何有  
占招僅成言當時干謁免誤聽一走門富貴世所擅文  
章我知論忼慨韓柳思不返撰述蒐

謁真君殿

稽首香案下索火續新煙徘徊想功行緬盡千載前念  
昔魏晉間士流罕身全高人樂遺世學者習虛玄往往

迷至道琅琅漫清言真君當此時豈以口吻賢獨持濟  
衆術敢論名後先陰陽竟感格飛昇遂聯翩嚴嚴白玉  
京侍從皆羣仙舊宅入祀典列祠更他巔平生豈有意  
德在名自傳浩浩一氣游蕭蕭諸象專孰能知真君庸  
俗但告虔

三清殿西廡見穆質題名石刻

香像壞已久虛名在金石深知無窮傳須以託文墨穆  
卿剛直者公論觸權戚至於禍福間亦有隨俗迹端知

守財虜倚此銷罪慝祗今虫虫流持論能引掖憑誰致  
我語解彼虫虫惑欲慕穆卿賢當充穆卿德區區建香  
像是乃卿瑕謫用此而希卿何殊以耳食

殿後七星杉

巖巖寥陽殿東有蔽牛杉下無蘿薜拘上有雲霧參靈  
根不納老秀色長如天已據烟霞都更帶星斗銜成名  
在圖籍匠手安得芟由來非自謀時值本不凡鸞鶴豈  
無侶棲翔倚盤鬚詎知高古林大用有所堪



上齊雲峯

人言此峯峻謂與浮雲齊浮雲雖滿空勢自有高低驚  
名不察實世論所以迷為君上峰頭曠望窮東西香繚  
城下澗遙遙線環堤人烟衆邑屋蒙密亂町畦想彼平  
地眠仰如遇昏雞應論峯頭人已盡天路梯古士說高  
廣中州抵倉梯豈嘗駭欽岑隘若坐一閨安得千尺翼  
翻身逐飛霓扶搖過丹山飽聽鳴鳳嘶

道法堂檢點三帝御書

日脚退前楹崇堂豁明淨縑紉出百函翰墨覩三聖舒  
張溢墻壁燦爛累籤楨鸞龍交飛翻金石避堅硬毫無  
半分弱大至褒大勁真行體兼精篆籀法畢正篇章入  
題寫作者一何幸偉哉天縱能豈謂學成性名山徧藏  
蓄終古得輝映墨客徒醉心黃冠荷覃慶嘗思八世主  
覆燾足仁政詩書所敷揚乃獨蔑此命將非史官畧紀  
敘非盡併不然天日資肯特記名姓或應淳古治不以  
餘藝競膚淺難考評隨羣但稱盛

無為閣見楊傑記仙都花

山風吹春來仙花靚如面芳馨豈不美俗耳未肯賤吾  
聞西州地新以牡丹變何嫌此中花開落無人看

望秦人峯

此地去秦中贏糧每三月秦人不厭遠期以一死脫何  
言幸可數久竟各存活得非潛逃心世愛多洗割迥然  
深林嶺雲氣長不滅避俗可成仙斯言蓋疎濶余來翠  
峯地把酒望深樾不見雲霞身山禽但驚眙

三門橋望五星峯

弄水石橋西退蔭百尺松看山同羽人初問五星峯為  
我袖手指當前秀蒙籠平排五青尖似拱寥陽宮自外  
雖崩施其高莫能同固知天下名有以形類通不然天  
精緯詎或聚此中他山岡阜名頓拔亦俊雄民耕牛羊  
踐稱謂誰與宗維此古洞府羣仙屢從容烟霞庇草木  
題號更峻崇融結俱土石靈凡異遭蒙想當有初物豈  
自知所從嗟嗟蓬蓽士何用羨帝公

問玳瑁石所出

陂陀土中石含彩若龜貝伊誰攻取之傳玩詫奇怪山  
家厭搜鑿養草事蔽蓋閒名偶流聞尚自困酬對咨嗟  
人間世豈直文為害大有可用姿難能免侵敗他山石  
不美粗雜等頑塊奈何亦爭求爛漫入磨拭情知既有  
物順以除惡愛不然悠悠生孰在形器外

觀虎跑泉

名山一境鎮水土本深厚誰令虎來跑應爪泉飛透吾

知變化物持氣異羣畜慚愧剛猛身堂堂負文繡仙鄉  
既遊歷不忍無所就怒掌發靈蹤山祇助噴溜乾坤任  
陳故稱號長芬富歎息泯泯人平生不如獸

入丹霞洞

霞光滿西山古洞在其下石老只嵌空泉寒亦飛瀉有  
居容冠褐無路縱車馬遊人務周徧強往不敢捨森森  
南榮樹飄葉撲香爇過盡去來人誰為愛閒者

出山有感

偶隨愛山客亦賦看山詩方為昔日登又作今日歸勞  
生竟何有清賞不可期故慚康樂侯萬里窮攀躋

答道先難交困新知二首

難交困新知觸事得晚悔人方趨勢富我獨居老大悠  
悠強衰顏耿耿墮末界豈無相於迹襟腑殊惡愛羞同  
復多嫌樂與翻自壞譚高遞互笑飲勇周旋怪嘉榮徒  
染濡程孔肯傾蓋閉門當止矣非敢事閒退

孤坐念平昔悽然垂涕洟他鄉二十遊故里四十歸父

老畧已盡後來異襟期卑躬揖我進反顧問我誰譬彼  
古器物形模漫瑰奇堯冠落戰國不貴理亦宜嘿塞習  
蹇吃遲徊避橫飛秋風吹我鬚蕭颯近素絲多感屬暮  
齒難交困新知

道先賢良以南公出山愆期示詩見促謹依來  
韻奉答

為農豈非天歸計恨不早業已入犁鋤謀惟在梁稻春  
霜久不解乾渴滿耕隰布穀彼何心聲聲似相報不知



蘭臺聚安用樊間老定許叩鈴齋柴居就長道

以雙井茶寄道先從以長句

園公嗜慾淺所好盃中物有田在荒村半以種糯米居  
然成醞釀不復畏法律客至啟柴扉甕甌等閒出春蔬  
間糝韭秋果雜梨栗取次得寬懷何曾計餘日山樓經  
五載此興殊不失獨有醒覺時追傷往年屈羈游佳破  
屋愁寂靠鋤鉞仰望步兵廚優如上公秩無錢輸權吏  
窮素又畏咄太息蘇源明仁襟信奇倔低徊憐鄭老長

使醉兀兀發我感古人何緣希髣髴粵從歸村後夙恨  
億萬畢耕稼雖自勞醺酣不他乞親朋或知我問訊俱  
委悉亦有贈助恩無非佳紙筆鄰家世粗粳竊笑事儒  
術故故送樽壺端為鷄欺鵲披襟忍辭拒對案傾倒訖  
特是今段乖遭承極紆鬱遙遙海南尉憫我卧蓬蓽寄  
以累幅書封題附郵驛慙慙屢存賜頗以照蕭瑟乃惠  
雙井茶雲腴品居一人間有餽遺宜用彼所必牙櫛奉  
戎王鴉鵂取侮忽藜羹予餓士荷德到身沒驚嗟石上

英於我係塘突迴思西山閣其主異俗匹喜醉復喜醒  
其肯抵溟渤今當議移獻不更嫌草率再拜寫私誠庶  
幾無廢菲銀鍋焚蟹眼金七攪雲骨陸叟片無三盧翁  
盍論七能希擊節賞且勉按劍叱縱被睡魔嗔吾豪不  
應恤

謝鄰翁

窮秋我何事歲計聊支準割稻三萬斤栽松二千本辛  
勤完廩庾顛倒糞畦畛為有空腹憂能忘此時謹耘肥

競垂陰稻美方聯。稠自喜在丘園年衰且優穩。天功偶  
不助人力。翻為窘。彌月雨連淫。交冬霜不實。蔬長者有  
綫穀濕。春多粉厚。望乃無聊。蕭如被宮牘。今朝二十九  
看歷驚。秋盡去臘都幾何。陽烏尚高隱。鄰翁巧譚話。念  
我頻嗟憤。杖插肯經過。單辭稍牽引。上論穹昊意。肯嘿  
難裁忖。下說倚伏端。回環恒切近。熙寧大丞相。周孔登  
台袞。手運道德樞。生靈藉鍼診。勞神十五載。坐許無遺  
恨。歸卧曉未交。紛紜見矛盾。推稱忽排毀。歌詠俄吟哂。

藹藹攀附人層霄墮汚溷前愚初是智昔禹今成鯀  
彼羹浣衣倉黃可漱救問君官際會何似農蓀蓁而  
望小乖便同身大疾飄風將暴雨自古稱豪敏邂逅  
崇朝誰嫌類榮槿義和與青女會見驅輶軫晝煖夜  
嚴凝安知不相趁低徊向翁謝老語真明允慚愧失  
路賢吾貧固當忍

寄濟道

有田山陂間年歷六七過買園丘墓側畎畝十丈大於

馬擬柴荆垂就又垂破豈無速成意煎逼少財貨淹留  
寄他門一跌防百蹉詩書相娛老兒女既翦髻何必隨  
羈游無屋覆高卧昨來錢可貸似有鬼陰佐鄉閭喜吾  
歸驚宅競告譖一茅曾未結羣盜忽譟調旌旗蔽粉榆  
弓箭擁離舍連甍被焚蕩萬室逃斫判吾衰當此時林  
下若為坐蒼茫依井邑買舍寧敢情迎家郡樓南庭戶  
困堀堞底風惟古壁容足乏高座平生灌園心一旦入  
頓挫譬言如千鈞弩激發不中墀力窮墜泥沙豈免埃壒

浣浮沉非所善耿介誦楚些鄰叟異吾徒軒台不垂和  
慇懃懷我友契闊似棄播早以聲氣同中為章服裹牛  
刀到芥羽蜀錦拭奴唾雖云不等閒無慮係輶軻能無  
掛冠計尚却采薇餓低回頗賢勞自比蟻行磨閩州富  
風物盈軸積文課時時寄吾廬恨不共製作相思匪朝  
夕飢渴各無奈忽聞有歸期忻快亟自賀呼童治盃菴  
醞醖忻秋稔支持醉梯媒傷弔俗類蠶仁人不吾誑早  
晚應沃輅延頸望東橋何當見紳拖

寄子發

後事喜非初勞生擬何稟思山有藏市願起或成寢交  
聲違本心歎恨只愈甚聽君東堂言去計非苒苒外危  
速官謗內迫將母稔不能傲飛鴻為悔比拾潘寒鄉有  
舊隱杭稔歲充廩及此掛吾冠逍遙適衾衽咨余方問  
舍期就指冬凜相邀林野娛高詠畧宋沈閩蠻忽煽虐  
白及萬胸堪驚奔託城闌默若魚在柙問君歸來信延  
佇久纔審亟聞漕臺公推待過流品縻留不許退讒口



亦旋噤古人制行藏緩走不為趨況今羣盜熾巖谷豈  
安枕秋風又開菊庭砌鋪故錦江鱸繪絲肥蔬果具豐  
稔相思東堂遠努力文字飲

中山感懷

西村灌園生好尚只墳史偶為凍餒驅放浪離桑梓初  
謀旅人食歲月涖灘紀城西謁郎官辭業入驚喜題門  
辱皇甫啖炙煩周顗積漸近攀援依稀召訾毀邳陽不  
果往劉館聊淒倚俛仰秋夏交飄然動行李凌雲古空

谷中卧幽真士寄書使來前得共考經旨依從得好  
不分嚴霜委宵話酒乾樽朝遊屐磨齒春風忽浩蕩客  
興又遷徙邑里有名卿相尋走函紙淮南官未赴盱上  
船猶艤祿廩見賸餘羈栖請依止蕭條出門去四月大  
江水荏苒向樅山愔沉傍書几侯鯖豈無味旅疾或多  
鬼諷誦難呻呼辛勤一骨矣天書問鄉貢侮角士爭起  
却治舉場文歸參白襴子征鞍遂南首故園衝炎暑把  
卷詣棘闈駢羅聚千趾文章雖草草論薦亦疊疊還與

同籍公西行望旒宸於時冰雪惡進步憂披靡迤邐達  
浚郊徘徊經臘祀春官未相識退作暴顛鯉惆悵問鄉  
程東隨汴波駛南京恹懔飲泗郡崩奔泚稍赴建康城  
筋骸倦如死故人能俯接未許論亨否到得爽氣嚴餘  
艍始東擬悠悠豫章岸速至日無幾進叩凌雲扉圖謀  
備驅使同心潁川友曾共長安米解榻苦招延幽軒為  
余啟歸來坐高館兩見柳垂蘂出有馮謹車居多穆生  
醴為文萬許卷共學十餘第放論逼玄虛摛辭謝狂斐

邦君頗投分巨室能更視師友足成名貧窮豈常耻雖  
懷招隱詠敢廢事君禮況乏一廛家寧忘抱關仕須眉  
保方秀時命固當俟蛺肆伏神龍山梁歎雌雉徜徉亦  
何者游衍姑從爾蓋輿走仙都皂蓋繞仙寺掀呀赤松  
笑積塌豫亭醉極有挽袖情非無送鉤戲神鋒正軒揭  
賢詔已蒙被辭學屬吾徒天衢合伊邇敗軍猶鼓勇韜  
畧助輕恃自負七札蒙旌麾必摩壘高心不虞禍羣吠  
忽滿耳絳灌怒如雷魑倉衆於蟻紛紜莫沮遏回避但

嗟唏大暑北路塵多二千里倉皇忍飢渴迫若畏流  
矢又見朱雀橋重尋保康市追隨國庠試玉石混臧否  
皆謂連城珍無勞病瑰瑋誰援周宣手反棄中鄉芑顛  
沛翅便垂思山對蟾朏迢遙馬鞍峽滂湃虎林溪倍道  
怯糧空逢人類囚罷朝天兩朱闔寂寞徒還篚無數弔  
言聲傷懷淚如洗時情看成敗自昔有冰燬將軍匿風  
稜縣尉乃凌抵雲泉豈不好消息視天理即速肥遁裝  
勞君屢牽褫賓筵墮盈具卦氣盡壬癸雖往省松楸仍

來仰盆錡人皆賤屑越已獨念摩揣會得卜終焉尤難  
在輕只齋咨灌園業早晚工力庀譬彼蒙籠枝初培就  
根祗求田闢陂側問舍長林尾此計或有涯成家倍為  
美侵尋見冬暮我馬議駕彼請婚無高堂授室藉媒氏  
風流愧王謝族望慚昭罕尚恃五噫才諸餘庶忘弭人  
倫喜修正鰥黨成離仳驩快見芳時承前語恣憑啼鵲  
聒牕戶野思兼耘耔計較理鋤耰躊躇背牀第棲遲撫  
州路獨復操尺筆却整半老容臨泉照清泚比鄰舊時

叟相見意不菲兒孫喜詩書揚簸借糠粃潭潭翠岡下  
其屋亦仳仳虛徐事毛錐脫畧輟金耜盤飧得筍蕨滿  
腹饜青紫或酌山泉醪醇香溢吟觚逍遙度晨夕次第  
遺軒陞祗欲養疎慵誰能論欽企柴薪漸營度且閱灌  
園技必可了餘生功名付塵滓安排聚雞柵編織釣魚  
簑刻草種篋簪扶欄栽枸杞多年此謀熟願與尺鷃比  
平昔僥倖非從今定休已書邊夜來酌醪酊亂終始夜  
半睡魄醒追惟到前此悲哉二十日倏忽象轉跬中間

事變繁何啻億及秭謹愉漫顏面愁痛徹骨髓若不悔  
先迷將何異蟲豸向來與君住成熟至汝爾計成合初  
終三回倒吾指當時盍簪輩今者隔彼已朱張既分明  
陳夏浪同軌咨余逼衰晚謀望只尋咫尺打併矜銜名都  
盧讓遼豕吾生大魂夢世路萬滄痛作詩解君頤恨少  
月露體

壬戌歲歸治西村居奉答次道見寄長句

肅肅白虎殿潭潭承明廬人皆通籍游我獨老飯蔬譬



彼獸啖土豈其惡甘腴道窮吾何之只得歸荷鋤盛夏  
督耘耔先春理陂渠低徊居未寧倏忽歲又除但怯薄  
有債誰羞門少車載歌裏飯辭謁酒聊自娛念子早奮  
拔聲華係名駒誰云破青衫罪謗更勃如朝野固異分  
知安盡夷途牛衣與樵歌各是對妻孥

乾

國

論

尚

山

原



欽定四庫全書

集部

灌園集卷三

四

詳校官庶吉士臣陳若霖

侍讀臣孫球覆勘

膠錄監生臣嵇承羣

膠錄監生臣吳壽康

欽定四庫全書

灌園集卷三

宋 呂南公 撰

五言古詩

煙雨

朝來煙雨重，天與平田接。  
輕風更蕭蕭，清快繞我曉開扉。  
覓高嶺，沒若隔世，却不見蒼翠。  
顏徘徊坐，搯頰農夫一何樂。  
羣輩聚稠疊，移秧塞塍圈。  
狼籍衣不攝，誼聞交野語。  
踴踞就晨饁，臺笠映扉蓬。  
端能勝經笈，人生慕溫

飽萬趣歸一愜何必少髭頰區區羨長鬣吾村有荒圃  
吾屋葺未輟早晚晝度全方將事農業耕耘黨既入歌  
笑聲可躡雖欲著新書無妨理鋤鉏

傍湖行觀

十日不出門厭聞水車聲昨來新雨足耳外忽晏清步  
屨踏初霽舒徐繞塍行向時荼蓼處荒穢畧殄平青秧  
漸瀰漫黑手益縱橫固知農趨時豈特勸督明下士能  
致力高天得無情願言成歲豐庶免寇盜驚

覆船山

高數十仞廣十餘里形如覆船後映會仙諸  
峯秀色排空葱蒼倚壘遠當縣治之前邑之  
名山也

峩峩覆船山特起秀蟠勃當前百十里已見青突兀行  
瞻漸詳諦依約認毫忽西峯自排列儼若魁健卒羣阜  
復東迴欽如搢珪笏橫岡挺戈劍堅重不可杌峻嶺擾  
駟驪豪雄欲相揆或寬侔放蕩或迫類齷齪或象喜紆

餘或同怒詬吐林高盛巾幘奮破露鬢禿有險狀飢癯  
有盆似壯脂偉哉形態衆盡叙難以猝憶隨遊覽後深  
入禪宅窟樵徑坦復崎遙村現還沒是時五月晦寒氣  
尚切骨汲泉煮茶雲石鼎沸鬻雪夜垂紙帳卧疑近鬼  
憲宰曉引杖屨行崑巒徧緣蹊幽坡獸跳踞佳樹鳥咽  
喁飛瀑下層崖鏗清斷汚渥分流浹田壤千里利耕耨  
愛此爽洒都擬詠屢蹇訥何由結廬舍靜取蔬茹猝夢  
想空洞靈孤雲動颼颼

奉和內翰太中城南放魚

沾沾水中魚生死豈有知  
成形四氣中積漸長鱗鬣  
但喜藻可依未諳龍可隨  
茫洋天地間寄命此郡西  
歲有竭澤例肯縱捨者誰  
秋潦走海去荒壕已愁飢  
方將赴烹烹逃避計若為  
萬里雷雨解一時離兌睽  
夫何遇仁賢顧眄成嗟嘻  
載憫口腹累鮮能毫髮遺  
支川以三千此獨數畝池  
脫爾倉猝急吾其亡肉糜  
呼舟送中流狡吏敢挾私  
曾是潰爛勢忽稱太平時  
波瀾網罟多要在



慎所之香餌不足愛古言未應非丙寅元祐年內相守  
楚夷愷悌見篇詠魚乎爾恩斯

偶遊僊都道先以長句見寄依韻奉答

吹燈染小帖借馬忤庖人豈其事朝叅強欲觀雲泉盥  
櫛具袍帶超遙石橋間同征二十蹄駑駿亂後先朝曦  
遽突兀送我溢背溫樂郊民何知桃李自滿園逶迤松  
下路不踐已八年道翁喜吾來煮茗巨石根導我復勉  
我攀躋繞巔岼依依夢中遊忽得驚覺魂一聽鐘鼓響

載慚塵土昏顧茲清泚流照洗憔悴顏瞠瞠金碧光嘈  
嘈杉檜喧樓臺有新增碑版多舊觀嘯客徧廂閨周爰  
訊黃冠白頭師靈仙不免歸丘墳太息五濁士憑癡待  
飛翮譬持數寸膠擬救九曲渾往者不肯說來乎付誰  
怨唯當悟至真可入了世論崔嵬黃守庵本是劉伶禪  
憶我初借卧嗒焉過西曠踏黑叩歸戶倉忙遭罵言寧  
知復來時邂逅乃見尊中從鮑兄至三歲四五番題詩  
不知我命酌戒醒還丹霞所未識西望久目存畏雨我

獨止于今負長嘆鮑去死令長無人辨龍吟我窮羞白  
襴引分逃山樊俛仰十五載恍如畢晨餐方為此日游  
忽計後戚懼何以遣孤憤隨鞍有殘樽焚魚濯薤甌浩  
蕩臨前軒適舉共悄嘿屢觴漸紛紜步兵俄鼎來四座  
驚欲奔授我大紙卷捧承疑未安披張縱眼力審是陳  
侯篇上序天質壞借余盡情文下傷素交稀慶快未契  
敦憂我困跋履且令慎盤飧平生慣衆憎讀罷腸輪困  
引筆欲作報停杯類含酸人間有義好蘄嚮異轍轅權

勢之所在萬夫呈肺肝風雲苟不至親戚爭棄捐此謬  
匪朝夕期誰反狂瀾餘齡既蹉跎乃得逸駕攀感槩捨  
酒去衝煙下耕村黎明候鈴齋再拜以謝聞

### 蔡翁

蔡翁高古士終始素踐清曉然不欺心可抵日月明二  
十弄賦筆周流教諸生四十背辭場歸來閉柴荆長子  
力近利旨甘足謀營次男治詩書庭戶弦歌聲居止在  
城邑身如隱林垌舊交勢富門十載不一登稼穡有凶

稔翁無田可耕閭閻多是非翁耳不為傾蕭條一畝宅  
裕若據八紘書囊配酒樽此外毫髮輕晚醉有癭枕朝  
飢有藜羹未知窮與通何者當達情維彼九章袞煖外  
未覺榮維彼八味珍飽來無足矜妻子亦垂白息孫初  
習行謹愉同百年世患安得撻嗟我稍濩落晚能慕幽  
貞何由似吾翁坦坦寄餘齡

早穫

溫風扇炎節高壤見新稻蒼黃色猶雜鎌擔力已到時

當艱食久不暇論贏耗奔奔竭頃畝翁翁資釜竈蒸炊  
防碎折焙煬取乾燥鄉隣自齊同早暮誰諷告老翁操  
匕筋一食九嗟懊豈凶存後憂飽飫偶今暴驕陽有炕  
曠積雨或淹滂未是安眠人兒童但嬉譟

窮鬼

窮鬼斷去志送之豈無文譬如衢路埃屢歸已復新隨  
我三十載間關不辭勤誘我上債臺為我擁愁根羈旅  
風雨夕空廬冰雪晨贊成蹇拙謀謹守冷靜門遇酒或

畧避見錢輒生嗔亦憎富貴兒永矢不失身昨者試羣  
士聞亡忽連旬謂其捨我行忍不許我聞乃復跳籬棘  
譟張幻司閹吹沙衆官眼使視玉為珉詭計動有效更  
誰評正真歸來只康然知我恥奏論憶昔熙寧初與子  
俱食貧相語厭此鬼多方願崩分宗伯正憤惑委其制  
風雲倉黃別我足置我寂寞濱子脫白布衣鬼顏愁不  
欣自子有官守辭鄉八青春坐想廩俸優寧復鬼敢親  
今者枉書札無財亦云云信哉此鬼多不限吳楚閩陰

靈雖巨測要自有婚姻族黨各生子子嬪又生孫宗支  
遶天下焉往不見存子行改京官途轍異凡民閨房漸  
珠翠盤按溢羶輦萬一鬼不喜乖離在逡巡顧我慣與  
君應來合朋羣益五以為十其徒日滋蕃吾文雖極高  
鬼去無沿因

讀東方朔傳

武皇肆荒惑公卿噤忠覲先生有直舌談笑開吾君董  
偃不敢怨壽王誰與伸堂堂補衮心不厭犯怒頻豈不



顧仕養崇卑位泥雲耻同高論儒瑟縮憂烹焚賢人事  
昏主獻替視所因不爾朝野間誰非愛其身彼哉下世  
士所見異吾聞醜謬無不為乃思謗遺塵國風歌善戲  
孔聖許狂人何嫌班孟堅區區記餘芬

過巫師步

還過巫師步竚立想平昔不見舊門閭蒼蒼但榛棘當  
時修竹園十里認濃碧佳樹鬱瓏璫高能百餘尺連甍  
覆多瓦厚塹疊堅甃生計具安恬隣人總驩適非無四

時樂乃預五等籍不知九載間剗滅自誰力或尤近川  
水川水豈其蹙隄岸盡民廬何斯最崩折有疑汧鬼道  
浮誕致淫慝僻術固欺人窮祆蓋傷德不然當合會大  
數名終極幽玄竟難量理意浪參測憶初羈角歲文字  
未深識此地事遨嬉隨羣慣經歷波瀾澆暑汗略約騁  
霜屐逗曉集團魚連宵按傳覲走聽鐃鼓動就視符籙  
敕座軋歌神兒盤分受釐食中家餽牲果豪屋送金帛  
弟子爭聚藏巫師坐欣懌顧余方眇弱比衆似岐嶷撫

省更呼留慙勲賜遮搯持盃勸醇酒引筋指香腊牽袖  
索吟哦嗟天賞英特期將雪侵鬢見慶雲路翼童稚喜  
矜稱徘徊重低嘿豈圖專輶軻所望壹差忒荏苒至巾  
冠奔馳為甌石光陰與愁度肝膽遭事役文藻漫雄渾  
途程轉迤塞翦翎看遠舉蹠足羨橫擊何以副鄉評徒  
能冠經席虛聲漸凌厲謗口遂壓積辭山寄他州封紙  
問故國驚心存沒異刺耳榮謝亟偶爾跨歸鞍蕭然又  
行客淒涼到今日憔悴對遺迹礪影冷茫茫塋泥新拍

拍春風吹駘蕩夜月照岑寂曾是禍福場翻為馬牛陌  
誰能逃死喪乃獨久酸惻無處瀝餘觴空思詠漸麥人  
間屢興廢世路真阻阨愜快一難逢睽違千易得布衣  
甘我老耕耒非上逼飽煖即逍遙功名可拋擲雖慚巫  
師語且免荷蓀責自作好詩書寧須位侯伯

過辭歸嶺

老翁愛園廬未省越隣塢婚姻挽他鄉送客犯脩阻委  
蛇上高嶺四顧異吾土相揖遽辭歸驚如避豺虎漂浮

千世下出意能近古游子笑安居相傳入名譜黃塵歷  
碎石歲月知何許但有鬱蒼松亭亭待斤斧秋風吹我  
馬路向此山取因名重徘徊不獨行役苦

過憂劫嶺

強步已半日前岡更悠悠下如趨龍宮上若登雲樓不  
見人舍宅但聞鳥喧啾我行只空囊盜劫誰知憂

五月二十五日三陂橋晚眺

漲水久已退攀泥草扶疎平疇極我目一來施犁鋤九

夏行過六尚憂復污瀦哀咨此鄉民耕力豈躊躇地勢  
苦卑薄況無古川渠愁潦懼熯乾不可保終初昨者多  
暑雨洪波日凌虛新來滿旬晴滲洄類灌漑垂秋且當  
蒔到否知何如搖搖衆農心凜若畏簡書遠瞻來南山  
其壤似郊墟依微綠秀間浮白略散舒間喜早稻吐因  
高得紆餘幸無風早催聊濟升斗儲天下有大福唯民  
樂田廬樂哉俟豐登快我羈旅居

詠榴花

敷敷英乍含春盡葉已碧垂垂實稍殘秋晚花尚折鮮  
妍誰造化遲暮我彩色方託晨露滋何知早霜烈天時  
豈顧望生理自溢逼根柢或未衰芳葩肯無益徐孺老  
情重武后善塗澤所美出虛踈其殃乃窮極參差共冲  
氣窈窕負靈識草木可毋譏吾傷在人德

俗士

俗士各何在來登蓋徒然彼其見湖山乃特論價錢為  
此可徑絕陰梯阻狙獫當有詩酒豪相將快留連一醉

抵萬寶高吟對遙天下視闌闌  
兜污埃盡癡年嗟我獲  
落手平生負雲煙題詩不放縱  
或似摹印圈安得冰雪  
才同聯座中篇

歲除感舊

舊德無路報衰年又增多平生感激心  
恐懼成蹉跎幽  
幽黃鍾原總角便經過一飯倚從母  
徘徊類嬋耍學書  
隨羣童謹叫抵鴈鵝相送知字畫  
勇於渴尋河羞耻道  
趙壹矜誇有甘羅豈云幼慙懃  
乃取晚坎軻往苒三十



載萬千窮崇魔舊遊不得尋聽問徒悲歌秋霜壓芳蘭  
豈復異徑莎願見故根晚邈如隔岷峨老窮怯脂韋趣  
尚近笠簞此恨長不沒安能辨蒿莪

偶題北軒

說儒論四方以北為背明蓋言幽陰位有嚮即非亨遂  
令口耳免惡北如近刑安知壬癸交於此兆萬靈天元  
氣始降坎水首五行理數漸推遷至兌乃秋成餘陰與  
初陽分此朔易庭故為始終地變化容可輕不但天道

爾人為亦該并帝王宅九垓輔相羅賢英德雖若伊周  
稽首為公卿如其惡北面誰以臣庶稱吾知講析師苟  
以巧自矜何能亂達識止可欺愚冥吾來坐書屋軒楹  
有北名題詩非賦詠聊以說儒憎

初遊投子山

東山未嘗到興言往遊觀尋幽味已淡全勝交凡官揚  
鞭遂出郭樵路行縈彎遇險輒捨馬聽松頻側冠霜天  
正枵寥野吹何蕭酸強步且數里猶在荒林間峯回得

古寺一叩雲中關高僧奪睡出迎對如嗔煩解榻迸伏  
鼠煮茶爆新泉東亭一何高岌若崖臨淵西庵更爽亢  
基與堂甍班延緣徧登坐共羨閒人間同遊二三子取  
酒醺吾顏約畧釘市果橫斜列山盤飲語快不徹望賧  
張無端曦光忽銜西歸思攻餘歡掠樵灑醉毫拂壁羅  
矛干調笑下前坂暮色淒漫漫行矣重回首林凹數聲  
援

答濟道

外物不可必一官非我心榮生在適分素願乃山林知  
思已三年趣幕不覺深因君累幅書更激浩歎音袞袞  
旦復暮勞勞古猶今其誰有功名不顧憂患侵富貴豈  
不欲才力視所任長鯨舞天淵寸鮒安牛溲性亦各得  
耳何為辨差參夫子方得路未應棄光陰咨余厭卑摧  
謀望止尺尋誓買五畝宅歸休以浮沉耕漁入程途文  
字亦所欽看子展雲翼騰凌和薰琴還將草堂書敵子

朱與金

答陳公美

少壯事已遠舊文良可懷百年能幾何十載不得偕念  
昔居鄉里游處了無猜飲食不相捨談笑久所陪拜君  
以為兄分密誰敢開齒髮俱未老未至衰與頽我子在  
襁褓君猶無嬰孩君後獨捨去為吏天一涯我又厭奔  
走遠引不復來歲月杳難恃區區老吾儕况從與君別  
多事歲若排心力不能究衰病侵筋骸二子皆已冠如  
吾苦無才君亦已有嗣眉目秀且佳人事知幾變會合

終不諧昨者本不出豪傑苦見哈鬱鬱自不樂誰為子  
悲哀惓然感其說東走凌巔崖不意君在此得奉笑與  
詆君顏蔚如故大噓飛塵灰我老應可怪白髭生兩顙  
新句辱先贈古詩許見推賢俊非獨少故舊每所乖作  
詩報嘉貺亦聊以相催

擬古

仲尼魯司寇官職亦已優從祭肉不及戴冕奔諸侯當  
時不之知為肉誠可羞君子意有在衆人但愆尤置之

待後世皎皎無足憂

仲尼為羣婢一走四十年苟鄉老不出五十猶力田顧  
彼二夫子豈其陷狂顛出處固無定不失稱聖賢彼亦  
誠自信誰能卹多言

公孫昔放逐牧羊滄海濱勉強聽鄉里垂老西遊秦自  
顧未為壯徒為久辛勤君子豈必隱孔子皆旅人

竹榻

竹榻破壞久隅稜類繩橋扶身輕坐之不敢直我腰動

小響已大堵嚴勢仍搖鋪氈蔽其顏倚以度晨宵醉卧  
稍安貼如舟乍停橈愁醒輾轉多似泛八月潮欲下必  
以緩將登未嘗跳奴僮為我憂疑我或悵怱訝我合改  
置我心豈其遙所嗟成與虧本以材用招念此蒼翠幹  
初非願枯焦唯難逃匠手遂與歲月凋物固不求舊人  
貧自無聊憐強棄其衰此志亦已恍我有四壁宅塵書  
映空瓢何嫌此榻存且以異貴驕

寄陳道先



寄聲西山閣知我新近否病嗽輒彌旬無錢雇醫叟夫  
何稍除去乃自得醇酒美味既沾腸清甘更悅口適從  
耕壟上杯醖不在手坎坎遂連傳誼如擊盆缶清秋田  
舍事秫糯或稀有傾渴聖賢心囊空欲狂走思君綵衣  
次與我異好醜病少官壺多何因到衰朽古人說天道  
高下常更受此語儻可徵豐荒竟誰久

慈濟塔

僧說姦雄人亦發歸依願祇今慈濟塔乃自張崇建雲

空土石乾碑倒龜龍斷悠長香火事豈以非夫賤

一日復一日

一日復一日夜眠復朝興不見事物窮但覺憂患增千  
慮不必免不思亦如恒未知此世間有用智與能少壯  
怯鬱屈衰殘念軒騰方如夏中蟬忽若秋後蠅非譽等  
毫絲善惡計合升可醉且勿道雲來譬高曾

理髮

我髮日以少我梳未嘗頻過旬一理之每理愁欠伸壯

長足癢肩奔馳更埃塵搔爬不覺勞垢結類組糾雖復  
強擲沐憚如負千鈞鉤牽就平直流汗益苦辛當時結  
似拳漸細傲梅榛懸知又十載幾許及變銀萬物有盛  
衰吾何為喜嗔借令但兩鬢豈害有冠巾人言髮既凋  
乃稍異癡民題詩且自賀漸係老成人

宿燠塘村

盡日繞岡嶺孤征凌險巖春風處處豪游子行安之過  
午或未飯人煙信遐稀暮投燠塘村正見牛羊歸黯黯

亂山腹茅廬壓笆籬陽光向餘霞畏虎先掩扉繫馬就  
屋尾解冠挂門眉怡聲問前程乞火照寢衣夜半雨忽  
惡長雷撼坤維奴僕亦睡覺雨瀉百箭馳草草卷席避  
倚牆顧晨雞故園豈無情一夢不可期我有三畝宅比  
隣勇鉏犁何曾問三旌自足了四時不肯卧寂寂亦來  
走栖栖幸無王事驅或是奇鬼欺咄咄復咄咄生平笑  
狂癡明朝遇清溪莫洗脚上泥

西村

東村豈不佳南村自清幽北村亦可居俗悍不易投維  
此兌嶺曲陂陀遠川流桑麻有清園耕稼有綠疇雲峯  
十里外足舉曠望頭本無車馬喧豈有聲利愁伊我先  
君子故家待增修還當起簷楹此志敢不求開闢三處  
徑疏通四前溝有軒列琴書有室貯鋤耰歷麴擬長醉  
藏芻待肥牛超然了餘生不問萬戶侯我策久已決我  
身強悠悠安能荷蓑翁不以意相收

鏡鑷

鏡鑷亦何功，鏗鏘漫從事。助人飾形骸，初若逞意思。須  
毛何足簡，塵垢何足薙。端為兒女懷，豐覲以言貴。余家  
在農畝，耘耔當傳世。朝犁泥糊糊，暮耨草翳翳。風搔日  
暴炙，姿狀難斌媚。百年寄託身，顛倒皆順利。顏紅黑何  
害，髮黑白亦是誰能妄。去取屑屑論，姿致深村擬。三逕  
歲月治，去計帶經以。隨牛鏡鑷成，相棄

秋色

秋色今又動，淒然悟衰殘。筠牀讀書軒，一卧八九歎。少

壯非所惜塵勞苦間闕端為智慮傾得此悄悄顏筋骨  
衆疾刼肺肝百憂攢還當節律遷刺促驚痛酸夜眠却  
明燭曉脾拒堅餐從文未終篇腰脊益痺頑太息造物  
宰勞余豈其偏寧分無窮悲直窘有限年想彼向榮木  
蕭森望雲端雖無癭蠹虧久竟歸朽乾萬化有盡極一  
身何足安方當委順之不必專憤煩起坐仰星斗環行  
繞簷欄西風穿我懷肅若臨予干世故屬無謂悠悠諒  
何言唯應就枕時曠蕩如山樊

歲寒亭

北風搔長林萬葉各窮屈愛此清秀幹高寒色如一雖  
無化石驗自是後凋質

送傅亨父

相公坐東府簡拔無留才賢良得帥權志與馮趙偕以  
策屈羣力勃如飛蚊來河湟多新田隴渭少驚埃壯矣  
功利舉趣時各賢哉誰言夫子喙不在此日開手把經  
綸書想望黃金臺相期衡道亨紙墨皆雲雷臘雪拍馬



曉朔風穿僕懷雖云行路難足免壯士哀去去合利見  
少微近三台得志亦遄歸我有賀酒盃

欽定四庫全書

灌園集卷四

宋 呂南公 撰

七言古詩

和得茶雜韻

衰翁脾病怯飲茶不但嗜酒成雄夸夜長晝短讀書苦  
佇待雞鳴愁日斜秋蔬搜腸酒正惡踏爐火慢煎雙腳  
偶然接得西安角險欲衝塵送高閣沉吟却憶陳公子  
慣在京華看貢篚蒙山顧渚建溪春花乳清冷徧知味

今來下國深秋景酒厚花稀心未醒  
盱水中濡亦試烹  
豈須奔走揚州井

延陵行

莫愛傾城名名高禍將作莫嫁多才郎  
才多情義薄君  
不見季倫不保綠珠命長卿終負文君託  
豈如延陵廡  
下賃春人無色無才貧且樂

烏翩翩行

烏翩翩魚漉漉陂湖漫漫浮窮肉  
貧民疫死屍且壞冢

兒忍看熏牆屋桐棺一寸無錢置亦可裸埋難乞地繩  
攀簣載肩負擗暮夜間關來此棄哀號數聲淚淋瀝歸  
掩柴荆鄰寂寂官家政令如文王日月不為盆下光

黃茅行

黃茅颭颭天垂霄夜宿野亭行旅共看看燈火問他鄉  
聽說艱虞各悲痛早年轉貨河東北亦熟淄青涉梁宋  
民生富裕利源寬所至如家忘勒轡晚來凶札作饑饉  
首尾七春荒播種已知人物俱流亡祇有室廬齊歇空

迴旋却走嚮淮浙併值紛紛歎飢凍積屍狼籍臭相兼  
無異爛魚藏暑甕去秋關陝穀將稔踐嚼忽驚黃鼠衆  
正憂飛輓負洮岷敢論倉箱稀食用昨聞王師又南伐  
熊羆十萬臨諸洞荆潭五嶺皆宿兵日費千金誰運送  
閩州旁助早成乏何況匹夫圖竊弄三川迢遞未得歸  
懸想詎能餘賦貢獨稱江國久豐足游歷如今愁更重  
早傷水剥疫癘頻何處商廛猶佚縱困京少食但蕭屑  
寇盜乘虛還扇動一宵此地漫安身萬里故園難入夢

嚶嚶雞唱侵枕脚  
淡淡曉光穿屋縫  
去矣東西勿復言  
文臣方獻昇平頌

遲晚行

少年踴躍希鄉宰  
遲晚徒思老江海  
吾道淹衰髮漸凋  
壯圖銷鏖田今買  
文苑鋒鋌稍收戢  
醉鄉朋舊多攜解  
唯有憤世嫉邪心  
自計終天不能改

嗚呼行為閩寇屢動州郡無兵而作

君不見熙寧宰相經綸苦不肯養兵累神武多時州郡

罷招軍欲責耕民為戰伍詔書一日下九天守令宣布  
周鄉田十家嗟吁百家和父子握手悲殘年干戈不與  
鋤耰雜此道幾迴輪厯甲未能并牧似三王何用匆匆  
謀混合輿情有幸聞旒宸斂鼓收旗防怨謗爾來下國  
稍自安其奈兵防已頽毀大城有兵不千百小城更少  
幾許力一夫竊發數縣驚坐恐飢癉皆盜賊承平久矣  
稱繁富儒生枉被高談誤同聲敷奏盡哀矜引手施行  
皆耗蠹居不得寧輯財安能充裕嗚呼爭得畧如開元

姚宋之民人萬里東南開夜戶

別離

東家賣兒價何卑西家棄婦聲更悲得錢未足三日飽  
既別豈有歸來時山如高城路如線回首難言淚盈面  
螻蟻溝渠處處同短長不復能相見

死別離未如生別苦綢繆恩意無窮處忽作乖違成陌  
路非緣官誅與私刼忍令棄置隨童妾夷齊不可人人  
學爭得腹空無悚懾生別苦此苦無盡期百年泉下亦



銜悲娶婦養兒畏不早何知此日難相保

貧婦歎

昨日良人死窮獨糧空子幼身自哭賣衣葬罷急謀嫁  
富翁立待封居屋夫妻寒賤恩亦深線麻終制非無心  
飢腸雷鳴無可奈禮法雖存何足賴

教學歎

卑卑窮生無令圖偶開濁眼窺字書村田子弟念筆札  
邀請稟訪同師儒遠防鬪訟習詭訐近就財利評侵漁

行身便事世所幸先王教道徒迂疎君不見官家設庠校俊士羅冠裾亦工細麗苟榮祿誰復高遠稽墳謨本期教學敦風俗今如附子充飢腹

勿願壽

勿願壽壽不利貧祗利富君不見生平齷齪南鄰翁綺紈合雜歌鼓雄子孫奢華百事便死後祭葬如王公西家老人曉稼穡白髮空多缺衣食兒孱妻病盆甑乾靜卧藜床冷無席

壯士膽歌

非災非祥何所出迴天轉地成恍惚蓬萊金曜急食昂  
矯矯霜虹橫貫日帝尊萬乘勿致威大兵如火無所施  
擒龍扼虎無所尅手引存亡纔頃刻事無今古用則靈  
用時天下毛髮驚能將義勇發至誠壯士之膽君勿輕  
恩讎必報歌

蘇相東歸施不安樂公得位言何壯恩讎必報真丈夫  
不苟而已焉知餘浮生百歲飄風速胡為顧慕甘侵辱

道之至實先吾身紛紛毀譽何足聞

西風

西風一夜颼颼動冷觸病身增疾痛卧聽促織不成眠  
起望明星還內訟十年客路過秋色五畝故園停歲種  
學如觀海祇自竒文似屠龍竟誰用情知至足在飽煖  
何事低心隨薦貢桀溺從初豈有官接輿却是能歌鳳  
今雖未借邯鄲枕昔曾屢歎南柯夢哿矣歸哉有近期  
會將物我分輕重

渴虎

九月十月霜漫漫壙垠南野如羣邊東風已作凍未解  
日月曉望皆瑯田岡陵焦枯澗壑竭草木性命俱沈絛  
彪家於時若為處掩擁敗葉方閒眠陽輝中天穴戶暖  
起坐嘿翬喉方涎虛腸未充多譖士怒掌久斂悲盜泉  
黃河泰山深且茂恨不休止蘄安全熬然宅此取飢渴  
馬用武勇聲名傳側聞近便長松塢十頃池塘停瀟古  
不勝積潤在鱗蟲浩有餘波沾畎畝尾搖伊昔諱凶檻

腹滿願今同鼯鼠世間遇合無必然平行靜視皎日前  
嗟來懇惻尚不就避逐刺促渠為賢主人若不開文籞  
歸卧幽林待天雨

乞士歌

天下大辱無過乞忍能餓死不終日空瓢曲杖行復嗟  
高楹厚壁他人家風蓬蓬雨市市夜投野廟眠枯葉世  
上艱難有此時強顏豈是相師法從來詬罵多言乞僮  
客受之猶噎鬱今日同行富者孫末年禍福誰能必

關關春樹鶯

關關春樹鶯晨哢不知久似欣融和景樂得飛鳴友可  
憐天性喜朋類肯念同羣雜譽咎年年日暖風暄時園  
林無處無芳菲高翔俛啄足自適焉用戚促勤追隨君  
不見花間柳下紛紜後擘彈揮丸少年手蒙籠枝上驚  
急來不及呶嚶已分首世間利害難預期甚少德義多  
姦欺雁奴傷損雉媒飽儕輩豈不交傾危古人惡熟曾  
吹蘂莫近王丹墓畔啼

讀文塚銘

長沙進士何襟靈辭源浩瀚如翻傾十五年間聚文藁  
得三千紙封為塋自憐意氣頗足惜題作文塚仍鏡銘  
富哉言章有如此恨不盡見空傳名吾聞人文乃儒效  
用之佐治王化成五帝三王實推濟孔孟憂世存書經  
真儒不作世已異文士所說非所行趨時治已兩不振  
奮筆多是圖生榮唐文舊錄二萬卷子今大半歸漂零  
昌黎河東幸存顯自外寸片誰與稱故知辭藻貴遭遇



身後紙札皆勞形當年不用更埋聚傷嗟此似秦儒坑

石井大雨

雲垂四山潑墨濃風怒發屋茅遮空征人不安紙蓋下  
猛雨迸射郵亭中旣兵色動牽馬出惟恐摧壓傷儀同  
吾衣敝薄未免濕今夜何處還張烘

古人

古人已往知無奈猶被後人興蠹壞前亦人焉後亦人  
患自口強心不逮揚雄比孟必有辨馬卿慕蘭良足怪

未充志氣徒好名醇醪豈不因糟載

君益惠竹杖

衰來病衆難推盪日覺筋骸非壯長百畝鋤耘致苦辛  
萬端應接皆牽強稀曾起處鐘漏盡多是歸時星月朗  
滿腹經綸一意閒墾田頭緒重新講偶逢過客語文字  
突兀破壞如夢想太息諸書不救飢幾曾貨利微能做  
故人憐我晚愁瘁委曲相寬三復兩卒歲嘗分蔽軒衣  
方春又贈扶身杖修顰一竹信瑰特知自何山精產養

數節包紉鶴脰連碎花黥糾彪皮爽提攜宛勝冰玉滑  
頓卓便同金石響野老生看每問名耕兒熟見仍私獎  
未諳黃鉞端許制久慣青藜饒俗狀靈壽杖堅負曳勞  
朱藤飾偽功程枉何如得此清峭幹本與雪霜爭氣象  
舊谷遺根未陸沉末年遇主成真賞已將蠟屐作游伴  
更共文簷為靜黨測渡無憂石澗淹助跳肯畏泥坑廣  
時修疆畝便指畫自牧雞豚誰放蕩差可攘蓬訊髑髏  
豈徒闢野披榛莽傾危屢濟功轉積安穩利征吾濫享

輒莫飛飛向葛陂要當受侮敲原壤古人五十徇鄉禮  
我為困窮聊早上畫戟彤弓且勿思蒼顏荷蓀西村丈

代木工言

歐陽子作啄木辭嫉世俗室廬無制善乎其  
為激之言也余以為啓之者不令而引之者  
不遜然後力之者劇焉是則財豪之罪宜先  
匠師之罪可恕於是代木工言

願君勿斲木工手請斲財戶眼與心時平力贍侈不徹

有見必欲相摹臨試言賤工目所擊竊竊富室清溪潄  
偶來公府證訕訟適見棟宇雄深沉歸損多貲換堂室  
唯恐壯麗微差參逡子弟到京國新值器服夸如今  
買真購法不議價持還逞詫爭歌吟一家矜尚一鄉慕  
自此籍籍師奢淫當時溪西鄙樸老頗出屬語聊譏侵  
為言人生倚衣食繁手未必加淳音百年榮落豈易保  
身後志業須勝任華懷不可孕金穀盛服幾許忘金鬻  
不見聲容赫赫家晚來哀謝無遺簪乃公營求嗣孫毀

弓劍往往同芒針人情護近不庇遠厲語一出爭詬擒  
况我孱微食技業得不骫靡依餘陰區區小材盖如此  
天下誰與制尺尋安得高梯切閭闔上叩帝膝敷誠忱  
盡取人間富財戶免使僭倖難斟斟工手何辜可毋斲  
自然風定無驚林

奉和內翰太中臘雪出郊長句

冬風雖饗少霜霰一雪偶嚴飄臘旦初驚雲物稍悽慘  
更覺天威能變換翰林太守方出郊去指登高作榮觀

崩騰逼眼忽無盡皎潔映懷成極絢從前溫煥自迷舛  
到此雱涼誰計算下看平路尚稀微遠望諸峯先片段  
虎頭巖側山腰半竊竊薄煙占午爨傳聲賓從暫紆餘  
命酌聖賢同款緩飛花滿席不須拂小大入腸寧復亂  
山陰安道今在否更欲扁舟破瀾漫

立春雪凍有懷道先賢良辰誦臘除見寄長篇  
輒反其韻為詩奉寄

先春一雪何易消南山驟見青岑堯餘寒忽作雨水怪

似有陰沴相呼招第堂晨興乍出戶畏冷須鬢不敢掠  
還歸書邊擁鑪坐想像悠遠情慙忉念君幽懷繞嵩少  
如鏡對物皎莫逃乘高北望三十六只見衰朽連平皋  
心隨歸雁身欲去又寫佳句傳鳴磬繡圖遥遥郡閣迴  
高詠盡日行周遭無人屬和卷自滿蚊蚋詎可冠靈黿  
自來耕野寄病叟珠玉偶許麻囊韜空山寂歷時一諷  
爽爽不覺驚骨毛當年只是說蘇李後此豈復論劉曹  
嗟乎步武已誤高蹄涔不錄滄海濤東風浩蕩官耐饒



不善酩酊虧二豪

和道先南城逢相工

古人往矣說可傳顯以悟者其為賢周侯樹立囹圄餓  
蔡澤飽足四十年知之窮通信已妙降此抵乞食與錢  
貪諛未俗滿吻涎一中百否紛可憐吾徒自斷休問天  
書冊讀盡頭蒼然功名分比橐裏弦且飲美酒飼豚肩

和次道村田歌

蠶蛾已撒明年卵蠶婦乍閒嫌夜短圃柘無端長宿根

潭蘆不住抽新管時哉樂矣犁鋤伴箬笠團團麻袴輓  
日出離家日入歸豈論步武如輪轉強丁屢歎牽車遠  
稚子或訶鳴犢緩暴雨晴雨忽翁然相驚不覺耕耨晚  
老翁踞坐抵掌談獎借專勤譏懶散草衆當爭第一耘  
塍高勿厭重新剗中天節近香醅綻笏面色如人面赧  
里巷齊歌競渡聲人人錢在雞巢滿

賣帚翁

霜日倒芒梢鋤筠勞束勒斷送山野村叅陪塵土役價

卑徒易售用貴安可得人間糞穢日以多翁負帚禿當  
奈何

老樵

何山老翁鬚垂雪擔負樵蘇清曉發城門在望來路長  
樵重身羸如跛斃皮枯亦復汗淋漚步強遙聞氣嗚咽  
同行壯俊常後追體倦心煩未容歇街東少年殊傲岸  
和袖高扉厲聲喚低眉索價退聽言移刻纔蒙酬與半  
納樵收直不敢緩病婦倚門待朝爨

山中即事寄上知縣宣德

一錢重丘山斗粟輕糞土昔聞豐年樂今識豐年苦東  
家米粒白如銀西家稻束大於鼓再三入市又負歸慙  
慙減價無售主刀机縱在屠伯瘦盃勺長閒壚婦去了  
無蹊徑近甘肥只有呻吟厭寒暑相傳城邑尚牢落村  
野蕭然安足數鄙夫自分爲儒生坎壈薄佑來蠶耕言  
章自昔枉用力債簿幾許能除名連旬暴露顏面黑彌  
月菜茹腸肚青原田常恐不遇歲及此遇矣當何成昨

日鄰翁詒種播相與竹下團團坐共嗟哀暮值艱難未  
覺豐登勝飢餓望天宵邈巨致詰得令賢明聊爾賀不  
馳幹隸擾租輸更秉公心憫鹽課何鄉巨惡不手斂有  
處宿姦皆膽破且勿恤失得且毋論福禍但願令尹住  
三年錢重物輕猶可過

麻姑道中

山翁種樹不差擇桃李無窮雜松柏風吹陽和入芳根  
萬白千紅映蒼碧猴藏鳥啄人恣窺桃李實熟無完枝

由來未可論堅脆松柏材成斧斤至

道先賢良寄示長篇輒此酌和略希一笑

閉門却埽未足高遇酒輒醉豈其豪窮山終歲擁書坐  
澗谷曷日興雲濤浮沉非工俗子惡只與筆硯為朋曹  
流年侵尋路婉婉鏡裏已復驚蒼毛作為文章世不用  
似對婦女論鈴韜欲陳肝膽自薦進恐類衆蟻觀連鰲  
嘗聞聲氣有求應此日寂寞誰相遭當歌無和亦已矣  
豈意或有憐悲慙陳侯嵩丘降靈士傳世事業師薨皋

有官未得斷國論  
昭代尚把浮名逃  
咳蘭芳香月桂老  
靜卧感古成憂忉  
題詩遠寄巧及我  
稍比陳敵輕兵撩  
龐洵踈輒孫贖銳  
勝負不待明占招  
惟當釋耒往共飲  
不必皎潔分桀堯

夜聞

夜聞黥徒歎行苦  
傳檄馳符渺無數  
霜晨雨夕常疾驅  
鬼魅豺虎何山無  
寢興順時豈不欲  
簡書可畏鞭刑毒  
儒譏冗食知謂誰  
我非浪費官家粟

內翰太中以某伏謁郡齋特賜長句謹和拜酬  
寒人氣象寒於冰聞有嘉運無由乘陽和吹噓品彙生  
燕谷凍瘁漠未驚年華四十盱眙城慣處涸竭忘流盈  
六張五角長合并百慮一得嗟何曾鳴悲自昔起不平  
苦調往往抽毫成窮衰到處難得朋坐使見笑蒼蠅聲  
心知俗譽不足榮分死枯槁羞逢迎由來極晦亦小明  
不在壹鬱居蠻荆翰林先生天下名風裁如鑑初無情  
偶然誤許筵與楹重言既出衆懦興譬彼卧蟄因雷醒



恩文撫接曲盡誠更刺薦牘辨玖瓊匹夫有獲萬口稱  
此世不復投清冷正恐疎濶如樊英

送何齋郎赴選

書堂四顧皆蒼山禽魚樹石煙雲間紙編屢絕筆屢鬪  
十載一瞬忘青綸誰令忽憶南薰關盡塞打馬鳴鑣鏤  
春風桃李紛妖嬈辭家大笑涕不潸由來磊落羞窮蹇  
下位亦足惠寡鰥乘田委吏不敢閒以日自愛維孔顏  
當今俊傑登朝班拔擢杞梓披榛菅君能忼慨露豹斑

豈比嘿嘿貪食孱果哉往矣步勿趨仕以行義賢可攀  
僕姑百中初滿鸞書堂靜坐尻狂癲

過界山館

界山館下平街路行客無窮朝接暮十年二十四迴過  
每覺人煙不如故初尋此地謁高士廬里謹愉忘迫遽  
固嫌餓子辱閭閻乃有善人尸管庫歌聲酒氣等閒滿  
魚尾羸肩容易具半無賓客味羣書盈耳只聞論富庶  
一來奔走繞淮汴高士亦趨城市去南蹄北轍不可留

雖有暫經難久住前冬適自故園出忽見瘡痍變其處  
豈能糠粃保黃台乃忍溝渠疊童孺官條既改驛亭破  
儒者不存書屋蠹蕭然巷陌但荒埃聽說流亡不知數  
昨朝又自劔池返遭值故人車馬駐相看問訊十年間  
涕淚沾襟如水注當時飽腹今半殍近歲朱顏多已腐  
一盃雖舉屢噫鳴永夜不眠猶恟懼哀哉天運不易識  
安得各齊金石固凌晨復過高士門回首荆榛帶霜露

五言律詩

信眼

信眼成吟步虛廊遶幾回見雲侵月去聞雨趁風來羣  
動悄已息煩襟相次開慙懃謝涼氣少為挫蚊雷

急雨

急雨拋砂響驚風伐鼓過漏從孤館永愁入病身多輾  
轉思鄉并依稀夢薜蘿得他莊叟罪憂炤日焚和

平雲閣

高閣與雲平超如近玉京未須論峻絕聊用壓崢嶸看

雨諸村白乘風百里清途人豈知此拍額望丹楹

寄微之

未俗矜鄉舉先生尚滯淹門人能頌述羣小或憎嫌舊  
學時方用新書日以添陰霾雖拍拍會解見圓蟾

和酬道先雪中見寄

空館雪霏霏孤懷不可為綈袍正藍縷布褐強參隨想  
望壚間酒支持席上詩念君將遠適宛轉萬重思

歲宴

歲宴仍遷徙蕭然背客堂聽雞吹宿火騎馬踏晨霜世  
味寧皆惡吾生有底忙奴僮亦相笑歸計只他鄉  
歲宴知何事低徊戀醉鄉衰殘三十老岑寂五更長識  
字初無益醫愁未有方一盃寅卯舉天下又兼忘

小港書事三首

破屋照山垞山民問筆耕日無賓接戲夜厭鼠橫行被  
服煙埃色呻吟老病身不知齊魯士甘此欲何成  
溝澗橫三面岡巒匝四隅滿門牛宿留刺耳鳥喧呼造

請難通謁經過易失途鋤犁有餘暇歌鼓宴官奴  
夢想驚冠蓋糟糠繼祖孫多財新得友善訟舊成婚策  
士吞并說門風楚撻痕飲酣尤壯浪潛聽亦消魂

向火

八月淮南地輕寒已中人病夫嫌冷褐敲火乞烏薪體  
暢寧須酒神和不讓春養生聊自適何必問時辰

送及之丞公

先朝賢御史風彩九州欽嗣子傳家法孤芳映士林忠

良常在我便佞不關心得慶宜蒙福時清豈陸沉

金秀才歸

書來動鄉思歸興偶幡然故國輕一別綠衣閒八年星  
霜親鬢上文字客燈前此意終難詰西風滿耳蟬

日日

日日聽鐃鼓坊衢送死頻豈能悲此事爭願作歸人邑  
屋兒孫衆山墳草樹新去來應迭代渠獨淚沾巾

淵老



淵老真高簡能逃世外禪  
青山如故友白髮任流年  
叩竹五六節梵文三四編  
無人知此味冷坐小窻前

鄰老

鄰老今亡矣誰猶辨短長  
隙駒沈迅影石火掩孤光  
錯寞悲新事淒迷想舊狂  
朔風原上草歸夢見松霜

氣槩平生事粗糲滯故林  
得無尊道性長有貴儒心  
躁暴村田酒粗疎欵乃吟  
暮年乖此約誰使永差參

送人遊邊二首

六月洮河上驚颺電似拳遊人方仗策元帥已開邊京  
觀酋豪肉軍儲府藏錢參謀如有取常武在周篇  
我愛王忠嗣兵威萬里橫只知精士馬不忍幸功名四  
印無矜色三邊有肅聲未知誰願此徒用送君行

病起

病起興蕭蕭餘魂次第招悽酸攻意氣衰朽入風標納  
帶驚腰緩移梳恨髮凋何心希此世只合順無聊

病起南榮下初寒仰日溫坐頑知力困視慢覺神昏避

俗無長策沉思到故園人生乃如此微處共誰言

衰病

衰病相侵早勞生得意遲兩腓初瘦後左耳半聾時已  
取世上苦強將天下知只宜收散質偷惰學支離

贈白

成童即學佛五十始披緇去髮有先後悟空無速遲游  
雲經過雨淙瀑到清漪此意分明否人間不可思

留題羅漢院愚軒

紛紛偽飾日愚者乃賢歟好醜知誰論文章亦漫書蟻  
來方棄智匠去莫尋樗祇有閒風月經過未忍疎

奉和內翰太中殘春口占二首

久次蕭條郡高情奈樂何鶯花三月促風雨一春多野  
寺攜筇到幽溪飲襖過四郊田水暖駐節問新禾

綠陰槐柳院白日靜寥寥有句方高詠無賓可屢邀獨  
眠聞漏轉縱步看絲飄結束東州計詩編問酒瓢

曉作

雨惡天光淡風高晚氣清四簷喧急溜一枕厭寒聲世  
慮漫沉想此心還不平搔撈下書榻坐對紙窗明

同俊和賦禪悅長老此君軒

祇園無俗物軒為此君開但未為龍去何妨引鳳來法  
中常住境天下後凋材豈復如遷客慙懃到處裁

筍蕨

筍蕨吾山味風埃旅館心盃盤感時節魂夢解參尋爛  
漫銷青紫橫斜破玉金平生疎淡意飽足望家林

贈亭父次溫伯韻

老未上青雲誰論德行純有名傳郡國無食給冬春慣  
見官徵債多應鬼笑貧豈能逃俗口坐作解嘲人

卧疾

卧疾動淹旬搔爬滿爪塵已能忘飯食聊復畏冠巾風  
雨驚新歲鶯花待早春便無游覽分樽酒幸相親

足疾

足疾在中年蕭衰只自憐徐行如敬長頑坐似逃禪欲

適求新履相忘任故羈思山徒有興登頓豈能前

亨父錄示山齋即事五篇索和遂次其韻

齋閣得山棲蕭然萬慮遺此心終異俗吾道更同誰好  
意憑琴寫衰顏取鏡窺窮通殊未定幽獨欲何之

有紅盃面酒無白髻間毛合世心雖淡論文氣轉豪迂  
疎憐野叟蕭散敵兒曹免被南華笑憂時兩目蒿

榮利機關拙雲泉興味多豈同愚士窘自合聖人和斂  
斂青氈舊酣酣白石歌故應消息有貧獨奈余何

嘯傲村田景中裾得所從壯圖因酒動睡思向書濃坐  
見雲歸岫吟聞雨濺蓬但無詩準備何以謝情悰  
榻為庸兒挂軒因好月開清風知曉暮往事付塵埃喜  
燕長褰幕嫌蛙屢洒灰山中樂如此腸莫等閒迴





[illegible]